

حرنكش والافتاح السحري

مسرحينان للأطفال

سيد خلف عبد الغفار
(سيد طوفان)

سلسلة اللؤلؤة الأدبية

نادى أدباء

بيت ثقافة الفنطرة شرق

(١)

يسر مجلس إدارة نادى
أدباء الفنطرة شرق أن
يقدم لساحة الإبداع الأدبي

على عمومها

نماذجاً من مبدعيننا في

كافة فروع الإبداع الأدبي

حيث تعذر لهذه النماذج

في الفترة الأخيرة

أن تنشر إبداعاتها

وأن تنال مكانتها المستحقة

على الساحة الأدبية

لذلك نبادر بهذه المهمة

بالجهود الذاتية

لعلنا نستطيع أن نحقق لهم

وللإبداع الأدبي في منطقتنا إثراءً

وإنتشاراً وجوداً

والله ولى التوفيق

رئيس مجلس الإدارة

احمد إسماعيل إسماعيل

إهداء

إلى ..

روح أمي الطاهرة التي منحني الحياة

إلى ..

أبي وأخواتي

إلى ..

زهرة حياتي وربيع عمري التي دائماً تدفعني

للإمام زوجتي الحبيبة (منال)

إلى ..

أطفالي القراء شباب الغد في كل مكان

إلى ..

أستاذي ومعلمي الأستاذ أحمد إسماعيل

إلى ..

كل من ساهم في إخراج هذا العمل .

مع حبي

سبدر طوفان

تقديم

كثير من الاعمال الادبية التى تعتمد على أبطال ينتمون الى عالم الحيوان ، ينتظم فى سلك هذه الاعمال " كليلة ودمنة " للفيلسوف الهندى بيدبا ، و التى نقلها للعربية عبد الله بن المقفع ، وقصة " الإنسان و الحيوان أمام محكمة الجن " لإخوان الصفا ، وقصة " التوابع و الزوايج " لأبى عامر بن شهيد ، وغيرها من الأعمال التى ترفع شعار " الفرار من المباشرة " خوفاً من الاصطدام بالقوى السياسية أو الاجتماعية الفاعلة .

و العمل الذى بين ايدينا واحد من هذه الاعمال وهو يعالج رذيلة البخل المعروفة معالجة جيدة تُضفى عليها الكثير من العناصر و الابعاد و الصور ، ويحلل الكاتب شخصية البخيل (جميز) الذى يعيش اسيراً لشهواته فى جمع المال ، انه يقتل فى نفسه كل الاعتبارات الانسانية حينما يتعلق الامر بالمال ، لدرجة انه يحرم زوجته و أخاه من الطعام أياما ، يقسو على ذويه ، ويحرم نفسه وأهله من كل مُتَع بل ضرورات الحياة .

وشاءت الاقدار ان يرى (جميز) فى منامه رؤيا تكون سببا فى تغير حاله ، بعد ان يرى وفاء وتضحيه ممن كان يظن عليهم ويحرمهم ، فيقرر ان يفر من البخل ، الى الكرم ومن الشح الى الجود .

ان فكرة هذه المسرحية وطريقة معالجتها تذكرنا برواية (ترنيمة عيد الميلاد) للأديب الانجليزى البارع تشارلز ديكنز ١٨١٢ - ١٨٧٠ م التى تصور تحول بطلها (سكروج) من عجوز متذمر شحيح الى شخص كريم دافىء القلب

بعد ان رأى فى منامة شح شريكة المتوفى (جاكوب مارلى) ، والذى نصحه ان يغير طريقته فى الحياة ، وعندما استيقظ (سكروج) فى صباح عيد الميلاد كان قد أصبح رجلاً جديداً ، يأخذ الهدايا ويزور بيت (كرتشيت) ، ويردد من القلب " بارك الله فى كل منّا " .

كما أنها لا تبعد كثيراً عن رواية " الأنسة " للكاتب اليوغسلافى " ايفو أندريتش " الحائز عل جائزة نوبل للأدب سنة ١٩٩١ م ، من خلال بطلتها (ريكا) الفتاة البخيلة التى فقدت اسمها الحقيقى ، واصبح أفراد المجتمع يسمونها " الأنسة " ، بعد ان انفردت عنهم وشغلت نفسها بجمع المال وتكديسه ، وأنعزلت عن مجتمعتها وعائلتها وقطعت كل صلة لها بالعالم الخارجى .

و العمل الذى بين ايدينا يزخر بمجموعة لا بأس بها من المقومات الفنية ، ويتمتع بقدر غير قليل من الاصاله ، الى جانب الاسلوب السهل الجذاب الذى يجذب القارئ حتى النهاية ، و الحبكة الدرامية التى تشعر القارئ بطعم (الحدودية) إضافة على الحوار المركز المكثف ، و البناء المتعاسك ، والطرافة ، و الجانبية ، و قليل من تحليل الطبائع و استبطان الذوات ..

انصهرت كل هذه المقومات الفنية فى بوتقة هذا العمل لكى توصل الى القارئ رسالة مفادها أن النقود ليست كل شئ فى هذه الحياة ، وان سعادة الانسان تتمثل فى المشاعر الانسانية النبيلة التى تربطه بغيره من البشر .

فالمال الذى لا يستخدم لخير الشعب ملعون وسيظل كذلك....

د . جمال زاهر
كلية التربية - جامعة قناة السويس

كلنا بنحب غابتنا

الشخصيات

الأسد

الثعلب

الديب

الحمار

الحمار المخطط

القرود

الفيل

الكلب

الشبل

تفتح الستار على استعراض راقص لجميع الحيوانات
المشاركة في العرض .

(غناء)

الجميع :

كلنا بنحب غابتنا
ما هي دارنا وديننا
و الشجر الأخضر بيضلل
من الشمس ويحمي حياتنا

الأسد :

طول عمري بنشقي كثير
بس قلبي أرق من العصافير
كلنا أخوه بدون حياء
وان ما صدقتومه آدي التاج
لأن دي وحدتنا

الديب :

أنا أنا الديب الهمام
وستأمنوني على الاغنام
ومفكرشى .. فى ملي كرشى
ومسير هتثبت الايام
لأن دى محبتنا

الحمار :

طول عمرى حمار
طيب خالص مش مكار
ومريح عقلى من الافكار
ولا يعرف حاجة غير الدار
لأن دى عقليتنا
الثعلب
بيقولى يا بن المكار
وعنيه بطق شرار

هولعه وتصيح نار
وما حلتيشى غير الأفكار
لأن دى قوتنا

القرد :

أنا الطبيب ميمون
بعقل المجنون
دراسة فى الأمراض
و الجو و الأرصاد
لأن دى شغلتننا

الفيل :

أنا الفيل طول عمري وزير
وزنى ثقيل ومش شرير
وجب أعطف دائما على الغير
ولو شفتونى هتعرفونى مش هبیر
لأن دى طريقتنا

الكلب :

طول عمري كلب حارس
يا ما نفسي أبقى فارس
ويا سلام لو أمسك منصب
لو يوم في شهر مارس
لأن دي طبيعتنا

المخطط :

أنا المخطط
وفي حياتي كده مضبوط
المعرفوش اقول معرفش
طبعتي كده مش بطنطط
لأن دي صراحتنا

الشبل :

أنا الشبل الصغير
ولا أحب أكون أسير

وځاوی مځامرات
کیفی رحلات کتیر
لآن دی نزهت‌نا

(اِظْلَام)

المشهد الأول

منظر غابة : الأسد على كرسي العرش.وهو في حالة من الغضب

الأسد : (بغضب) برضه مش عايز تعترف يا ثعلب .

الثعلب : (بخوف) اعترف جريمة أنا مرتكبتهاش يا مولاي .

الأسد : أنت الوحيد اللص وحرامي في الغابة . ومكار كمان .

الثعلب : لكن صدقني يا مولاي .

أنا معرفش عنه أى حاجة (يبكى)

الأسد : حيوان حقود وحسود . تفتكر أصدقك لما تبكى .

الثعلب : أنا يا مولاي طول عمري في خدمتك .

الأسد : طول عمرك بتحسدنى وبتحقد عليه .

علشان أنا ملك الغابة . وأنت حقير الغابة

و أنا الحيوانات بتحبنى و تهيبني .

وأنت بتكرهك وختقرك علشان مكرك يا لص .

الثعلب : طيب وليه ما يكنش حيوان غيرى حب يعمل فيك
المقلب ده .

الأسد : (بغضب) ومين يتجرء يعمل كده يا مكار .

الثعلب : (بخوف) وزيرك الفيل مثلا يا مولاي .

الأسد : وكمان عايز توقعنى مع وزيرى .

الثعلب : أنا بقول مثلا مثلا يا مولاي مثلا .

الأسد : اسمع يا مكار .

الثعلب : أنا خدام تراب رجلك يا مولاي .

الأسد : أنا هديك فرصة ٤٢ ساعة . يا أمه ترجع التاج بتاعى
اللى أنت سرقتة بآمه . أأمر بقطع رقبتك و اعلقها
على شجر الغابة (يخرج)

الثعلب : (لنفسه) ما أنا لو رجعت التاج بأكد شكه . ويمكن
بأزنى ولو مرجعتوش هيقطع رقبتى ويعلقها على
شجر الغابة فى الطراوة . أنا اية بس اللى خلانى اسرق
التاج . ولا هيه قلة عقل منى . والله ورحمت بلاش يا
تعلوب . شغل عقلك يا مكار .

الكلب : (من وراء الشجرة) يابن الأيه يا حرامى يا تعلب .
بينها هاتولع .

القرء : (ىءءل . ىءنى) مكار . مكار . مكار . و الله أنت هنا ىا
ابو كف رقىق .

الثعلب : (لنفسه) لا بء من حيله أطلع بىها من الورطة ءى .
القرء : مكار ىا أبو كف رقىق . مكار .

الثعلب : (لنفسه) وءءتها . (للقرء) اهلا ىا طبيب الغابة .
القرء : أىه ىا مالك ىا مكار . سحنءك صفراء لىه .

الثعلب : مش احسن ما ببقى حمراء ىا قرء .
القرء : طول عمرك ابن نكءه (ىضحك) إله . مالك ىا
ءعلوب .

الثعلب : اى اى ىا قرء . مالىش بس سىبنى فى حالى ءلوقتى .
القرء : اسىبك . اسىبك ازائ وأنت فى الحالة ءى . أنا لازم افهم
أنت مبوز كءه لىه .

الثعلب : مصمم ءعرف ىعنئ
القرء : آه مصمم طبعأ . مش احنا هنا كلنا اصحاب .
الثعلب : الأسد أءنن مبسوط اءىك عرفت . ورنئ هءعمل اىه .
القرء : ىا نهار زئ بعضه . الأسد أءنن ! ازائ .

الثعلب : طيب ميمون أنا في عرضك. أنا مقدرش أقولك أكثر
من كده .

القرد : طيب مين اللي هيقعد على كرسي العرش من بعده
يا ثعلب.

الثعلب : (يفكر) مين....مين.

الحمار : صباح الخير يا ثعلب. صباح الخير يا طبيب

القرد : صباح الخير يا حمار

الثعلب : اقولك بعدين روح أنت دلوقتى يا قرد

القرد : بعد أذنك (وهو خارج) الأسد أجنن طبيب أذى

الحمار : هو القرد بيقول ايه

الثعلب : ماتشغلش بالك أنت يا مولاي

الحمار : (يضحك) يجازى شيطانك يا ثعلب. قال مولاي قال
(يضحك).

الثعلب : طبعا مولاي الملك كمان

الحمار : تانى. طيب ما تعليش صوتك. علشان محدش يسمعك
(يضحك)

الثعلب : أنا بتكلم جد يا مولاي الملك الحمار

الحمار : يا بنى ملك ايه اللي أنت طالعلى فيه دى. و الأسد يبيع بطاطة .

الثعلب : الأسد (بيكى) الأسد أجنى يا مولاي الحمار

الحمار : أجنى أزاي يا ثعلب

الثعلب : أنا أفهمك أستنه.(أخرج له تاج من وراء الشجرة)

الحمار : دا تاج مولانا الملك. أسد الغابة

الثعلب : قصدك اللي كان أسد. قبل ما تفقعه العلقه الساخنة .

الحمار : أنا؟!

الثعلب : دا أنا مكنتش مصدق انك وحش و شجاع اوى كدة يا مولاي .

الحمار : مين ؟ أنا ؟!

الكلب : لنفسه يا بن الايه يا ثعلب يا ترى ناوى على ايه

الثعلب : بلاش التواضع ده يا مولاي

الحمار : مين انا. أنا فقعت الأسد علقه ساخنة اجنى فيها

الثعلب : يظهر انك نسيت يا مولاي

الحمار : بس أنا فعلا مش فاكر حاجة. لكن انا؟!

الثعلب : طبعاً انت. و بالأمانة كمان أنت أدتني حنة ضربه وأنا
بحجز خلعت سنتي. بص (يفتح فمه) شايف .

الحمار : أنا عملت كده. طيب شفت يا واد يا ثعلب لما خته
مقص نام فيه على الأرض. رحلت نازل عليه برجليه
و هاتك يا ضرب

الثعلب : ما أنت فاكرا أهو.

الحمار : (لنفسه) و الله ما أنا فاكرا حاجة. ما يمكن يكون صح

الثعلب : و أنت عارف يا مولاي ان في قانون الغابة البقاء للاقوى
و أنت عملت اللي محدش عمله يا ملك. يبقى التاج ده
من حقك يا مولاي.

(يلبس التاج)

الكلب : (لنفسه) يعنى ايه الحمارة هو اللي حيحكم الغابة. و
أنا مالي يا رب حتى يحكم الارنب

(إفلام)

المشهد الثاني

[المنظر في عرين الأسد...الأسد في حالة من السكر]

الثعلب : امسك كمان الكأس دة يا مولاي (يأخذه)

الأسد : (يضحك) أنا بعزك يا مكار و علشان كده أى طلب
تطلبه منى يتنفذ فى الحال. ها عايز ايه

الثعلب : أنا مش عايز حاجة يا مولاي. أنا كل اللى عايزة رضاك
عننى وبس .

الأسد : (يضحك) كدة. روح ياه. أنا راضى عنك

الثعلب : خدامك يا مولاي

الأسد : بقى الحمار هو اللى سرق التاج بتاعى و داير فى الغابة.
يقول انه ضربنى و خد التاج منى. و انه هو اصبح ملك
الغابة (يضحك) (يدخل الكلب دون ان يراه احد).

الثعلب : (يعطيه كاس) تصور يا مولاي.... الحمار

الأسد : طيب و ايه اللى خلاه يعمل كده المتخلف ده

الثعلب : اديك قولتها متخلف و علشان متخلف احنا عايزين
نضحك عليه شوويه و ادينا بنسلى وقتنا
الأسد : نضحك عليه. نضحك عليه ازاي يا ثعلب ده لازم
يتشقق .

الثعلب : (مقاطعا) غلط. غلط يا مولاي. أنت عايز الحيوانات
تاكل وشك و يقولوا إن عمل عقله بعقل الحمار. إحنا
نبين لهم ان الحمارحب يهزر معاك و أنت اللي أديته
التاج. وأن هو فعلا ضربك علشان نسبك اللعبة
و نضحك شوويه على خيبث الحمار.
الأسد: إيه ضريني.

الثعلب: كده و كده يا مولاي. و نشوف رد فعل الحمار إيه.
و نضحك.

الكلب: (لنفسه) ده العمليه احلوت قوى.
الأسد : على العموم ماشى. ماشى يا أبني المكار. (يضحك).
الكلب : (لنفسه) هو الفيل جاى مدخن كده ليه.
الفيل : (يدخل) السلام على ملك الغابه.
الأسد : (يضحك) ملك- هو فين الملك.
الفيل: (مندهش) الله... أمال فين التاج بتاعك يا مولاي.

الأسد: (يضحك) الحمار... الحمار... ضربي و خده منى يا فيل
(يضحك).

الفيل: إذن الكلام اللي سمعناه صحيح.

الأسد : (يضحك) أيوه أيوه الحمار هو الملك دلوقتى (يضحك).

الثعلب : اهو من صباح ربنا وهو كدة يا وزير .

الكلب : (لنفسه من وراء الشجرة) يا ابن الاية يا مكار و الله
وعرفت تلعبها.

القرود : (يدخل) (الأسد يضحك) هو في ايه .

الثعلب : زى ما أنتم شيفين يا جماعة ربنا يشفى كل مجنون

الحمار : (يدخل فى فخر) أنت لسه هنا يا أسد .

الأسد : ايه ... عايزنى امشى يا مولاي الحمار من بيتى (يضحك)

الفيل : يا سنه سوخه

الحمار : أقعد يا فيل أنا عايزك .

الفيل : اقعد أقعد فين يا حمار انت.

الحمار : مولاك الحمار يا حيوان .

الأسد : أبوس رجليك يا مولاي سامحه . أصله مش مصدق إن

سموك ضربتني علقة سخنه . وأخذت منى التاج .

وانك أنت الملك يا مولاي . (يضحك) .

الحمار : دمك خفيف . (يضحك) .

الأسد : دمك حلوه (يضحك) .

الحمار : علشان كده أنا هعينك المهرج الخاص بتاعي .

القرد : لنفسه (دا يظهر الحكاية جد .

الكلب : (يظهر) مولاي الحمار . الف مبروك على توليك كرسى

العرش يا مولاي . يا سلام يا سلام يا حيونات لما مولاي

الحمار مسك الأسد الهزيل الضعيف وقعد يضرب

فيه باللكميات . ده كان حنة دين مشط .

القرد : نعم يا خويه مشط أنت شفته .

الكلب : بعنيه اللي هايكلهم الدود دول .

الحمار : أشكرك يا كلب علشان كده أنت الحارس بتاعي .

الكلب : يدوم عزك يا مولاي .

الحمار : و أنت يا قرد .

القرد : أيوه يا (مستسلم) مولاي الحمار .

الحمار : قررت انك ... تفضل في منصبك طبيب الغابة .

الأسد : (يضحك) وأنا و أنا يا مولاي (يضحك) .

الحمار : أنت بتضحك على أيه يا أسد .
الأسد : لمؤاخذه ... لمؤاخذه يا ملك .
الحمار : و أنت يا فيل أنا شايف انك كبرت علشان كدة وزيرى هو
التعلب .
الثعلب : ده شرف شرف كبير يا مولاي .
الفيل : كلام ايه ده .. ما تتكلم يا ملك .
الأسد : أنا مش الملك ... أنا المهرج الخاص بتاع الحمار .
الديب : (يدخل) هى الحكاية أيه . ما دي عادتنا اللى يجوز امنا .
نقوله يا عمنا . ألف ألف ألف مبروك يا مولاي الحمار
أيوه كده ما يحكمها غير حميرها .
الحمار : والديب عيناه ... حارس على الأنغام .
الديب : يا سلام يا ملك . إن شاء الله أكون عند حسن ظنك .
الحمار : أما الفيل هنعينه مسئول التموين . علشان بيلع
الغابة فى كرشه (يضحك) اسمع يا أسد .
الأسد : السمع و الطاعة يا مولاي .
الحمار : غنى يا أسد . (الأسد يغنى) أنا عايز عجيب الفلاحة .
أرقص .

الأسد : (يفیق أثناء الرقص) إيه دا أنا برقص . أنا يظهر
سكرت .

الحمار : يا ريت بقى نوم العازب يا أسد .

الأسد : (يغضب) أخرس يا حيوان . أقبض عليه .

الثعلب : يظهر الحالة رجعت له يا حيوانات !

الحمار : امسكوه (الجميع يمسك الأسد)

الأسد : انتم ماسكنى كده ليه . أبعدو عنى سيبونى . وزيرى
الفيل .

الفيل : أنت لسه فاكرو وزيرك يا مهرج .

الأسد : مهرج .. آه أنا .. أنا كنت بهزر .. أنا الملك . أنا الملك ما
تقولهم يا ثعلب إنها كانت لعبه منك عشان
نضحك. ما تتكلم يا ثعلب مش الحمار هو اللي
سرق التاج .

الفيل : لا مسرقش أنت قايل بعضمه لسانك انه ضريك
علقة وخده منك. وإحنا بصراحة ما يحكمناش أسد
ضعيف هزيل زيك .

الأسد : (بحزن) بس الكلام ده ما حصلش ما حصلش .

الكلب : لا يحصل . و أنا كنت شايف كل حاجة . أنت أجننت .

أنت مش . كنت بتغنى من شويه . وبترقص وتعمل
عجين الفلاحة . وفى ملك يعمل اللي أنت عملته ده .

الأسد : دا من تدبير المكار.

الحمار : المكار ده يبقى وزيرى يا ... أسد

الأسد : عملتها يا مكار عملتها يا تغلب (يضحك....بيكى)

الحمار : ما تخفش على العموم لسه أكل عيشك ماتقطعش
شغلانة المهرج دى . هاتاكل منها عظم كويس .

الأسد : (يضحك . ويخرج) أنا الملك ... أنا الملك .

الثعلب : لا حول ولا قوة الا بالله . ربنا يشفيه ودلوقتى يا
جماعة مولاي الحمار عايز يستريح يا ريت كل واحد
فيكم يروح يشوف شغله (الجميع يخرج عاده
الكلب وراء الشجرة) اسمع يا حمار .

الحمار : إيه ... أنت بتقول كده من غير مولاي .

الثعلب : أنت صدقت انك فعلا ملك فوق أنا اللي بنيتك و
أنا كمان اللي اقدر أهيك أنت خلاص صدقت
نفسك .

الحمار : أنا ... أنا أسف يا تغلب دا أنا كنت بهزر معاك .

الكلب : (لنفسه) الله يخرب بيتك يا تغلب دا أنا ما صدقت

امسك منصب فى الغابة

الكلب : أى كلمه خب تقولها ممنوع .

الحمار : آمال إزاي ملك . آمال مين اللى هيقول .

الثعلب : أنا .

الحمار : و أنا .

الثعلب : أنت صورة . صورة وبس . امال أنا اخترتك أنت من بين
الحيوانات ليه ... عاشق ودانك يا حمار ..قلت ايه .
ولا أرجعك مكانك تانى وساعتها بقى الحيوانات هتعرف
حقيقتك وهينتقمو منك علشان كدبت عليهم
وضللتهم .

الحمار : لا...لا....خلاص أنا فى عرضك اعمل اللى أنت عايزة .

الثعلب : ودلوقتى لازم كل يوم تأكل لحمه .

الحمار : ايه ... لحمه ... ازاي .

الثعلب : ها .

الحمار امرى لله لحمه ليه . (يخرج)

الثعلب : (يغنى)

(الأغنية)

تعلب تعلوب التعلب
ملك السرقة أنا و التهلب
و اللي فكر يوم ياذينى
مش راح ينجى من التخریب
عبنى عليه لما أتشطر
وأقعد مع نفسى وتفكير
راح أطلع أجمل أسفين
وهموت من الضحك وهكركر
طول عمرى وأنا غاوى هزار
دا أنا جوزت الفيل للفار
و الأسد خليته مجنون
و الغابة بيحكمه حمار

(إظلام)

المشهد الثالث

[المنظر في عرين الاسد]

الحمار : (بألم) آه .. آه .. آه يا بطني .. آه

القرد : (يكشف) هو بقاله قد ايه تعبان يا وزير تعلوب .

القرد : أنت أكلت ايه

الحمار : هو أنا باكل غيرها من يوم ما مسكت . أكلت لحمه ..

القرد : ايه...بتقول ايه .. لحمه .. تأكل لحمه . اما حمار صحيح .

الحمار : بتقول ايه

القرد : ابدأ ابدأ يا مولاي . على العموم أنا كتبت لك على

اقراص تين هتخدها وعلى طول هتقوم تيرطع .

الثعلب : وهاياكل ايه دلوقتي .

القرد : أنا برضه كتبت له على شربة خضار . شويه ضفضيع

على شويه جيله ورجله . اما العصير شب عصير

برسيم صباحاً وشب عصير مساءً . استأذن انا.
الثعلب : أنا جاى معاك علشان احضر الدواء (يخرجان) .
المخطط : (يدخل) أخويه .. الف سلامة عليك يا خويه .
الحمار : المخطط .. الله يسلمك .
المخطط : ايه اللي حصلك ... دى عين وصبتك .
الحمار : ابدأ أكلت أكله سمينه شويه .
المخطط : لما أنت مش قد الفول بتأكله ليه .
الحمار : أنا بقول سمينه ... تقول فول .
المخطط : مش وأخد بالى ... أمال أكلت آيه
الحمار : كلت اه ... أنا كلت اه
المخطط : أنت أكلت إيه يا متنيل .
الحمار : لحمه .. كلت لحمه .
المخطط : تأكل لحمه يا حمار .
الحمار : مش ملك يا مخطط . اكل لحمه .
المخطط : وعلشان ملك تودى روحك فى داهية . وتاكل حاجة
مش بتاعتنا .

الحمار : حبيت اجرب يا اخى . ايه حرام .

المخطط : أيوه حرام . كل واحد فى الغابة هنا ليه اكله وليه عمله . يعنى منقدرش نستأمن الديب على الغنم يا حمار . ولا نوقف الفيل على تموين الغابة يا حمار ولا الأسد يأكل برسيم ولا الحمار يأكل لحمه ولا يحكم الغابة كمان حمار .

الحمار : قصدك أيه يا مخطط .

المخطط : قصدى احنا مش قد المسؤولية دى يا حمار . احنا فى غابة الكبير فيها بياكل الصغير . احنا حمير اضعف الحيوانات فى الغابة . يعنى لو قطعة صغيرة جريت ورأنا هتبهدلنا وخلينا مسخرة قصاص الحيوانات فوق يا حمار . أنت لابس توب مش توبك . ولا تفتكر ان الحيوانات هتسيبك تحكم الغابة كدة بالساهل .

الحمار : طول ما معايا التعلب محدش يقدر يمسنى بأذاه .

المخطط : قولى كده بقى هو المكار قدر يوصل لعقلك وأنا بقول الحكاية فيه سر الحمار يحكم غابه.

الحمار : امسك لسانك يا مخطط . وأعرف أنت بتكلم مين .

المخطط : حمار . بيكلم حمار يا حمار .

الحمار : (بغضب . ينادى) يا كلب يا كلب .

الكلب : أمرك يا مولاي .

الحمار : المخطط ده لازم يروح لجنينه الحيوانات اللي زيه لازم
الأطفال تتفرج عليه وهو محبوس فى القفص .

الكلب : قدامى يا خويه .. ياله قدامى .

المخطط : بكرة تشوف مين اللي هيتفرج على التانى ياملك.

(اظلام)

المشهد الرابع

[المنظر فى الغابة]

الأسد : (يضحك) أنا ..أنا أسد . أنا ملك .لا.لا أنا مهرج الحمار .
لا أنا الملك .

القرد : كان ليك فين مستخبى ده يا أسد . وابنه الشبل اتأخر
قوى يا جماعة فى رحله الصيد دى .

الأسد : أنا الملك صدقونى . كله من الثعلب . أنا الملك.

الديب : وبعدين يا جماعة الأسد كده هيموت ما تعمل حاجة
يا قرد .

القرد : العمل عمل رينا . الجنان ملوش دواء . وهو من يوم
العلقة وجن .

الفيل أنا مش متخيل يا جماعة ان هيجى اليوم اللي يحكمنا
فيه حمار .

القرد : لا صدق يا خويه . رينا يجعل كلامنا خفيف عليه من
يوم ما مسك الغابة وحنا مش لقين قشر الوز . جاته
داهيه .

الثعلب : (يدخل) ايه الاجتماع ده . أنت هنا يا أسد .

الأسد : كله منك يا مكار أنت اللي ضحككت عليه .
الثعلب : (يبكى) رينا يشفيك يا أسد ابقى عدى عليه خد
شويه عظم .
الأسد : أنا أكل عظم يا مكار .
القرد : فين ايامك يا ملك .
الثعلب : قصدك ايه يا قرد .
القرد : (بخوف) لا أبدا ... مقصديش حاجة يا وزير تعلوب .
الأسد : طول عمرك النار تاكل فيك من نحيتى يا لص .
الثعلب : أنا ... الله يسامحك...على العموم أنا جاي أبلغكم
بقرار مولاي الحمار . قرر بان يصرف وجبه وحده فى اليوم .
القرد : ما هى وحده بس يا وزير تعلوب .
الثعلب : كده يبقى نص وجبه فى اليوم ... فتكم بعافيه (يخرج)
الديب : وبعدين يا جماعة احنا هنسكت على الحال ده لأمتى .
لحد ما يجرى اليوم اللي ملقيش فيه ورق الشجر
الأخضر .
الفيل : ما الحمار أتسعر . وتعلم اكل اللحمه .. ثم أنت كمان
هايص مع الغنم .

الديب : (مقاطعا . حزن) لا ... صدقوني أنا مليس زى زمان
للأكل . حتى أنا و الغنم دلوقتى أصحاب وبيعملوني
كأنى واحد منهم . لأنى بخاف عليهم . وبهريهم كل ما
يخى التعلب الملعون علشان يخدمهم للحمار .

القرد : الحمار بقى فظيع يا جماعة . وكله من التعلب .

الفيل : وايه السر الى بينه وبين التعلب أنا نفسى اعرف .

الديب : احنا ازاى مفكرناش فى كلام الأسد يا حيوانات .

الفيل : مش فاهم .

الديب : ولا عمرك هاتفهم . يعنى ما يمكن يكون كلام الأسد
صح و التعلب فعلاً هو اللى عمل الملعوب ده .

الفيل : وده مش جديد على التعلب .

القرد : طيب و ايه العمل .

الفيل : تخطف التعلب ونضربه ونخليه يقر بالحقيقة . اكيد
الحمار أنضحك عليه .

الديب : طيب ياللاه بينا .

الجميع : بينا .

(إظلام)

المشهد الخامس

[منظر عرين الأسد]

الحمار : (يبكي) يا ريتنى ما كنت سمعت كلامك يا تعلب .
ملعون كرسي العرش اه يا بطنى اه يا رجلى مش
قادر أحرك .

التعلب : (يدخل) مالك يا ملك .

الحمار : أقولك ايه ... ما تقولش يا ملك تانى .. أنا كرهت
الكلمه دى

التعلب : ليه كدة يا ملك (يدخل الفيل و الديب و القرد بدون
ان يروههم)

الحمار : حصل انى مش قادر أحرك من مكانى . حصل انى
خسرت أهلى وعشرتى . وخلصتني كدبت وصدق
الكذبة . أنا مخلوق علشان أكون حمار . حمار وبس .
عمل ايه الأسد علشان أهودك و أظلمه . أجنن
المسكين . وخسرت الفيل و الديب و القرد و الكلب
و المخطط .

الثعلب : خلاص هات التاج و أنا اديه الى اى حيوان غيرك .
الحمار : على جثتى انك تأخذ التاج ده منى . التاج ده بتاع
الأسد. ولازم يرجعله و أكشف كذبك قدام الحيوانات .
وترجاهم يسامحونى .

الثعلب : مفيش حد هيصدقك يا حمار .
الكلب : (يدخل) أنا مصدقة يا ثعلب يا مكار .

الثعلب : أنت ايه اللى جابك هنا .
الكلب : أنا عارف كل حاجة وكنت مراقبك من اول ما اخترعت
الكذبة وقبلت القرد وبعدين قبلت الحمار المسكين
وضحكت عليه وسبت الكلام فى دماغه وضحكت
على الأسد .

الثعلب : طيب و ايه اللى سكتك الوقت ده كله يا كلب .
الكلب : الطمع . كنت طمعان فى منصب فى الغابة . بس كل
ما بشوف الأسد أحس انى أنا كمان كنت السبب فى
جنانه . علشان شايف الغلط وساكت عليه .

الثعلب : محدش هيصداقكم برضه . (يظهر الفيل و القرد
والديب فجاءه)

القرد : أخيرا ظهرت الحقيقة .

الثعلب : مين ... اه حقيقة ايه . أرجوكم متصدقوش .

الفيل : دا أنت يجح حاجة .

الديب : لسه بتكذب . بعد ما الحقيقة ظهرت .

الحمار : أنا

القرد : الفيل ما تتكلمش يا حمار . الحمد لله اللي جات على

قد كده أما أنت يا كلب .

الكلب : أنا راضى بحكمكم عليه .

الديب : كفاية انه أعترف يا فيل . واحنا مسامحينه .

الحمار : (يبكى) اه .

الفيل : الحق يا قرد الحمار هيموت . (جرى الحيوانات فى حاله فزع

نحو الحمار لأنقاذه) .

الثعلب : سامحنى يا حمار (يبكى) سامحونى كلكم يا

جماعة . أنا فعلا اللي سرقت التاج من الأسد . لأنى

بحقد عليه لأنه محبوب من الغابة . وخفت أرجعة

ليأذبنى ويعرف انى أنا اللي سرقته . وأنا اللي عملت

حيله الحمار . وأوهمته انه ملك الغابة . بس والله

مكنتش أعرف أنها هتوصل لحد كده سامحونى

(يبكى) .

الحمار : أنا مسامحك يا تغلب . والغلطة كمان غلطتى علشان
مشغلش عقلى وفكرت . بس أنا عايز الأسد علشان
لازم أرجع التاج بتاعه . أنا حمار . أخلقت علشان أكون
حمار .

الأسد : (يدخل) و أنا مش عايز التاج يا حمار . أنا كفايه
عندى ان ظهرت الحقيقة . وانكم كلكم مجتمعين مع
بعض أحياء و أصدقاء .

الفيل : مولاي الأسد أنا أنا .

الأسد : انتو كلكم معذورين .

الشبل : (يدخل) أبويه أبويه الأسد مالك أبه جراك .

الأسد : حمد لله على سلامتك يا شبل يا أبنى .

الشبل : أنا اول ما قالولى أبوك بعافية قطعى رحلتى وجيت
على طول .

الحمار : قومونى .

الشبل : هو فى ايه . و ايه اللى مبهدلك كده يا أبويه .

الأسد : بعدين يا شبل .

الحمار : (بيضع التاج على راس الأسد) أمنتك .

الأسد : ده خلاص مبقاش بتاعى .

الجميع : آمال بتاع مين .

الأسد : (يضع التاج على راس الشبل) بتاع الشبل إما أنت يا تغلب .

التغلب : أنا .. أنا همشى من الغابة يا مولاي . أنا معدش ليه لقمه عيش تانى ...مهما أغلظ نفسى مش هتصدقونى (يبكى) .

الشبل :أنا مش فاهم حاجة .

القرد : هتفهم بعدين يا مولاي الشبل

الحمار : آمال فين المخطط . فين المخطط .

الفيل : تعالى يا مخطط (المخطط يصدر حركات بعد الاستجابة , وسط الجمهور) ليه .. انزل هاته يا كلب (يتزل الكلب ياخذ المخطط ويصعد على خشبة المسرح, المخطط يسلم على جميع الحيوانات)

المخطط : أنت بتبكى يا تغلب .. يعنى خلاص ندمان عرفت ان الكذب ملوش رجلين يا ترى ايه حكمك عليه يا ملك الغابة .

الشبل : أنا معرفش الحكاية ايه .. بس الاطفال هما اللى عرفين

الحكاية .. علشان كده هم اللي هيحكموا (الجمهور
الاطفال) ها يا أولاد .. ايه رأيكم في التعلب .

القرء : (للجمهور) الكذب يا اولاد .

الشبل : (للجمهور) الكذاب بيروح فين فين .

الكلب : (للجمهور) و الحرامى .

الشبل : (للجمهور) طيب و الحرامى..... فين .

الشبل : (للجمهور) طيب التعلب حرامى وكذاب . تفتكرو
نعمل ايه ... طب إيه رأيكم لو نسامحه أحسن ونقوله
متعملش كده تانى . نكسب فيه صواب عند الله
موفقين ... لو قلتوا موفقين هنعلمكم على التعلب
يعنى اغنيه لكم أغنيه و أحنا نغنى معاهموفقين.
أنزلي يا مزيكة .

(استعراض الفئالة)

الفيل :

تعملها فينا يا تلعب

وتلعب بدماغنا

مطرب وقدامك الملعب

سمعنى بقى المغنى

الثعلب :

أنا بعلن توبتى ليكم

ولا عدتش أكذب تانى

ومعيشى الا بيكم

ولا يمكن ابقى انانى .

الأسد :

الكذب حوت كبير

وفى ثانية بيلعنا

لو كنتش منه حزير

سمعنى ودعنا

القرء :

الكذاب مش محبوب

والدنيا دى كرهاه

ويرجموه بالطوب

ولا حد يمشى معاه

الكلب :

ومفيش اختيار

ولا تقعد تستنى

كذاب تخش النار

صادق تدخل جنة .

الحمار :

الحكم مش ليه

وان حكمت ده عار

عقلى مش فيه

دأنا مخلوق حمار

المخطط :

هيصوا يا جماعة التغلب تاب

ولا عدشى يبقى خلاص كداب

واحنا مسامحينة

ان الله غفور تواب

الشيل :

ولوني مش فاهم

بس أنا بعزكم

واوعدكم يا اهل غابتي

على الحب المكهم

ستار

تمت

حرکتش و الحفّاح السحرى

الشخصيات

حرنكش	: شقيق جميز .
جميز	: شقيق حرنكش
مشمس	: القط
كعبول	: الحمار
نفاحه	: زوجة جميز .
الخادم	: عفریت المفتاح
الحوت	: حوت
أناناس	: ابن عم حرنكش
فجل	: الجار

المشهد الاول

[المنظر منزل فقير جدا يجلس حرنكش فوق الاركة القديمة
المتهالكة و هو حزين يفكر بينما يدخل عليه الحمار كعبول
و القط مشمش]

مشمش : حرنكش

كعبول : يا حرنكش

مشمش : مالك يا حرنكش زعلان من ايه

كعبول : ايه يا حرنكش طهقان من ايه

مشمش : زعلان من ايه انطق قول

كعبول : فضفض و احكي لأصحابك

حرنكش : من فضلكم سيبوني دلوقي

مشمش : تبقى متضايق

حرنكش : ان مش متضايق يس ارجوكم سيبوني في حالي

كعبول : تبقى متضايق

حرنكش : أف.

مشمش و كعبول : أه متضايق

مشمش : علشان خطرنا اضحك . احنا اصحابك و بتزعل لما
بنشوفك مكشر .

كعبول : ايوه بتزعل لما بنشوفك مبوز

مشمش : اضحك يا صاحبي فك التكشيره

كعبول : اضحك يا صاحبي فك التبويه

مشمش : التكشيره

كعبول : التبويه

مشمش : أنا بقول التكشيره يا كعبول

كعبول : أنا بقول التبويه يا مشمش

حرنكش : (بصوت عالي) هس سيبوني بقى سيبوني

(كعبول ومشمش يلتفتون حول حرنكش

يداعبونه بحركات بهلوانية و غناء)

كعبول : زعلان من ايه يا حرنكش

مشمش : إفرد وشك من التكشيره

كعبول : ارمي حمولك ع الخالق

مشمش : و ريح عقلك ماتفكرش

حرنكش : أف سيبوني

كعبول : إلعاب اجري و تنطط

مشمش : أرقص غني وظااطط

كعبول : و اضحك من القلب وكركر

مشمش : ده الضحك كتير مرطرط

حرنكش : أف سيبوني

كعبول : يا حرنكش انتا صاحبنا

مشمش : واللي يصيبك راح يصبنا

كعبول : افرد على وشك بسمة

مشمش : بسعادتك راح تسعدنا

حرنكش : أف سيبوني

كعبول : اضحك .. اضحك يضوي سنانك

مشمش : ووعاك ترجع بقي في كلامك

كعبول : ضحكة تطلع لبنا من قلبك

مشمش : ده الخير مفروش اهو قدامك

(ينتهي الغناء)

كعبول : الله الله لساك مبوز و بوزك شبرين
 مشمش : رقص و رقصنا لك عايز ايه ثاني بقى
 كعبول : غنى و غننا لك عايز ايه ثاني بقى
 مشمش : (يدخل جميز) يا كعبول الحق زوج قبل ما يضرينا
 زي عادته
 كعبول : أنا مش عارف حرنكش الطيب الغلبان يكون ازي
 اخو جميز البخيل الطماع ده
 جميز : ايه مش عايز ترد السلام ليه يا حرنكش
 حرنكش : أنت قلت ايه ؟ أنته مقلتش حاجه
 جميز : ابوه قلت السلام هتتهب
 حرنكش : سلام بس . طيب كمل لنا علشان نعرف نرد . ثم
 أنا مسمعتكش يا أخينا
 جميز : الكلام الكثير يحرق الطاقة و علشان نعوض لازم
 ناكل يبقى هنشتري اكل و علشان نشتري
 اكل يبقى هندفع دراهم . و أنت عارف يا حرنكش يا
 ابن امي و ابويا اللي جاي على قد الرايح.
 كعبول : متصدق هوش يا حرنكش أخوك معاه فلوس كتير و
 مخزنها و ميهنش عليه يرمي عود برسيم

(بيكي).

مشمش : بس بقى يا كعبول قطعت قلبي (بيكي)

جميز : ايه مالك ماسك ودان الحيوانات بتوعك و ترغوا في ايه

حرنكش : أنا عايز ال.....

جميز : ده بعيد عن شنبك يا حرنكش

حرنكش : ده أنا جعان .

جميز : انتى مش اكلت اول امبارح

حرنكش : و علشان اكلت اول امبارح يتحرم الاكل عليه
النهارده .

جميز : ايوه يتحرم

حرنكش : ده مين اللي قال كده ما أنت بتاكل لوحك كل
يوم في الحباثة .

جميز : اه مفيش غرهم دول اللي أنت عارف لغتهم
بيشوفوني و يخبصوا خدوا بقى (يجري خلف
كعبول و مشمش بالعصا حتى يخرجان) أنا
هديك رغيف واحد . بس ابقى بشنب جدي لو
ادبتهم منه اكون حارمك من الاكل بتاع بكره
فاهم.

حرنكش : يعني اسيبهم جعائين كده أنت بتتلكك يا جميز.

جميز : هما كانوا من بقية اهالينا , أنا هاكلك أنت ولا هم.

حرنكش : كعبول ده أنت مش قاطع نفسه في الشيل .

جميز : شيل ده عايز يشيله , ده حمار عجوز حرام الصرف عليه.

حرنكش : حوش الفلوس اللي بتخر منك .

جميز : اطمئن عمرها ما هتخر مني .

حرنكش : أنا مش عارف البخل ده أنت جبتة منين .

جميز : بخل ايه يا مغفل ده اسمه حرص .

حرنكش : يا جميز عيشني النهارده و موتني بكرى .

جميز : بسيطه . اعتبر نفسك عشت امبارح .

حرنكش : يا ناس ياهوه عايز اعيش عايز اكل .

جميز : ما أنت بتاكل اه يا ناكرا الجميل ثم تعالى هنا أنا

جيت في يوم طالتك باجر ولا حاسبتك اللي

اتصرف عليك من يوم ما اتولدت كان يوم اسود .

الدايه هفت منى درهم بس أنا دعيت عليها دعوة

جابت خبرها في نفس الجمعة.

حرنكش : في نفس الجمعة .معرفش ان قلبك طيب كده
 جميز : لا اعرف يا اخويا هوه أنا مضيعني غير قلبي الطيب.
 صوت : (يا جميز يا حرنكش طرقات سريعة على الباب)
 جميز : (بفزع) ايه ... ايه (يفتح الباب) متحاسب يا فجل
 ايه دب دب . هتكسر الباب و لما يتكسر مش
 هتعوطني غيره ز نعم خير عايز ايه؟
 فجل : يا اخي اديني فرصه اتكلم .
 جميز : مفيش معنديش باخد و ماباديش . اتكلم بقي عايز
 ايه.
 فجل : اولاً السلام عليكم .
 جميز : و عليكم هات اللي عايز تقوله.
 فجل : اعوذ بالله . ازيك يا حرنكش يا بني .
 حرنكش : اهلا و سهلا يا عم ورور .
 فجل : مالك . لونك مخطوف كده ليه .
 جميز : يا عم الجز في يومك الحلو ده أنا هنا مابضايفش حد لا
 عندي شاي ولا سكر ولا ميه .
 فجل : أنا مش عايز ضيافتك أنا جاي بحكم الجيرة و النبي

عليه الصلاة والسلام وصي على سبع جار . جبت لك
شوية تمر من خللي .

جميز : (فرحا) يا اهلا يا اهلا يا راجل يا أنا كنت بهرج معاك
اوعى تكون زعلت مني و التمر ده زغلول والا رطب (
يخذ التمر) ولا امهات ولا ايه.

فجل : لا حول ولا قوة الا بالله (يخرج) .

جميز : (بمكر) ده تمر باين عليه وحش قوى . أنت عايز تمر يا
حرنكش من الوحش ده .

حرنكش : ده أنا باموت في التمر الوحش ده .

جميز : هس و طي صوتك تعالى نقسمه أنا و أنت بس .

حرنكش : و مراتك تفاحه اللي جوه .

جميز : هي تفاحه شايفأنا , دي قاعده بترقع في جلابيته جوه .

حرنكش : ده لا يمنع انها تاخذ نصيبها .

جميز : خلاص لحسن احلف احرمك أنت كمان منه خد
(يعطيه) لا دي كبيرة دي احسن .

حرنكش : حكم القوي (يخرج) .

جميز : بقولك ايه مترميش النوى علشان أنا جوشه (لنفسه)

أهو خرج (ينظر حوله يترقب و ينصت ثم يخرج من
ملابسه صره بها الدراهم و يأخذ في العد) واحد اثنين
. ثلاثة خمسة . ثمانية ياه نفسي يبقى خمسين ولا
ميه ولا الف يا سلام . لو يولدوا دراهم زيهم و يملوا
عليا الدار اجمل شيء في الدنيا الغنى و الثروة (يتنائب)
يا ما نفسي أبقي اغنى واحد في (كرمن شاه) يتنائب و
عندي ياقوت و ذهب و مرجان يا سلام على المال و جمال
المال و حلاوة المال (يتنائب ذهب . ياقوت . مرجان .
مرجان مرجان (يتنائب ينام)

(أغنية)

حرنكش : مين راح يسمع .

مين هيقول .

في حياتي يا ناس ما اكلت الفول.

طول عمري عايش على المش.

يوم اكل ويوم أهش.

وأنا جسمي من الجوع بيكش .

و ان كشيت راح اموت و ما اعيش .

مين راح يسمع .

مين حيصدق .

نفسى اكل و احلى و أحق .

مين راح يسمع

مين هيقول :

في حياتي يا ناس ما اكلت الفول.

المشهد الثاني

[نفس المنظر الاول]

حرنكش : و بعدين يا تفاحه فين جميز .

تفاحه : أنا عارفه مراته الاولانيه كأنت طايقله ازاي ؟

حرنكش : ماهي ماتت مقهوره من بخله .

تفاحه : اه يا ناري لو كنت عارفه انه بخل كده و ميت على الدنيا و النبي العظيم الغالي ماكنت خطيت له عتبه دار . منك لله برقوق .

حرنكش :مين برقوق ده .

تفاحه : ده الالاتي . قال خديه و هيعيشك في نغغه و هياكلك لقمة القاضي . اتريني عايشة مرقعه و الطبق فاضي .

حرنكش :باله يا تفاحه نصيبك هاتعملي ايه . لو رينا بيحبك ترتاحي انتي رخره .

تفاحه : ده أنا بتمناها من ربه من يوم ما اجوزته .

حرنكش : اقولك ايه أنا خارج اتفسح شويه اشم شويه هوا
لحسن الحظقت .

تفاحه : (تفاحه) ضاحكة يوه جاتك ايه هيه فين الحته اللي
فيها هوا يتشم ؟

حرنكش : اهو باروح اتفرج على الجزار و هو بيشفى و يقطع في
اللحمة .

تفاحه : لحمه ... أه ... ده أنا نسيت اسمها و شكلها و طعمها .

حرنكش : أنا بقي كل يوم باقف قدامها فترة ابص لها بس و
اسرح .

تفاحه : تسرح . في ايه .

حرنكش : في اللحمه (جميز يدخل متسللا حامل جرابا على
ظهره) و تلاغيني و الاغيبها و ترجع تلاغيني و الاغيبها .

تفاحه : مين هيه ده .

حرنكش : اللحمه .

تفاحه : يا كبدي يا محروم . و بعدين .

حرنكش : و بعدين اقرب لها و اغمض عينيا كده اهو .
بغمض عيناه و يتسلل الى جميز) و أمسك العجل
كده اهو (بمسك جميز) ا قوله و الله زمان يا عجل

وحشنتني لحمك و برد يقول.

جميز : حرنكش.

حرنكش : (في ارتباك) مين عجل .

جميز : بتحلم بعجل مرة واحدة طب احلم بعظمة الاول.

حرنكش : بلاش حلم كمان .

جميز : (يضحك) حزر فزر ايه اللي جوه الجراب ده ؟!

حرنكش : اكيد تعابين .

جميز : تعابين ايه يا ابو مخ خين ده حاجه بتناكل .

تفاحه : بيبقي ورق كرنب اما اقوم احط الحلة على النار.

جميز : كرنب ايه يا جاهله انت بس كمان . و أنت يا حرنكش قلت ايه .

حرنكش : قلت لا اله الا الله غريبه انك جيب حاجة تتاكل !

جميز : يعني غلب حماركم (يخرج سمكه من الجراب)
سمكه يا تفاحه (يغشى عليها) أنت يا وليه فوقي و
الله دي سمكه صدفيني فوقي .

حرنكش : ده مقلب عمله فيها عايز خوفها بالكائن الغريب
اللي أنت جايبه ده

(ياخذ السمكه و يرميها من النافذة)

جميز : (يلتفت حوله) يا همي يا خراي . كانت هنا هيه فين .

حرنكش : حذفتها من الشباك (يغشي على جميز)

مشمش : (يدخل) ايه الرجه دي . رجة سمك (ينظر حوله

فيجد تفاحه و جميز مغشي عليهما) ايه اللي حصل ؟

حرنكش : ابدأ يا مشمش جميز جاب كائن غريب شكله غريب

. شافته تفاحه . قام اغمى عليها . خدتها و رميتها من

الشباك .

مشمش : بتقول رميتها من الشباك (يغمى عليها)

حرنكش : (يواصل الحديث دون ان يلتفت اليه) جميز عرف اني

رميتها اغمى عليه . راخر و ادي الحكاية (ينظر الجيته)

و أنت كمان اغمى عليك (لنفسه) و فضلت وحدي .

اكلهم في نفسي و محدش بيرد عليه

كعبول : (يدخل حامل السمكه و هو يتألم) اه... اه يادماغي

حرنكش : ايه اللي معاك ده انت جبتها تاني ؟

كعبول : حد في الدنيا يرمي سمكه عظيمه زي دي . معذور .

لاإنك في حياتك كلها ما شفتش ولا أكلتش زيتها .

حرنكش : و بسببها اغمى على كل احبابي . و عقابا ليا لازم

یغمی علیہ انا کمان وسع شویہ (یغمی علیہ)

كعبول : يا خير اعمل ايه دلوقت افوقهم ازاي ؟ احسن ارمي السمكة .

الجميع : لا... لا... لا

(اِظْ لَام)

المشهد الثالث

[نفس المنظر]

(جميع سوبها على كده يا تفاحه اوعاكي خرجي حاجه
منها (حرنكش) مبسوط يا حرنكش اوعاك تقول بقى عايز
اكل ثاني لمدة شهر)

حرنكش : يا مين يعيش يا جميع ياخويا (بعطف) جميع .

جميع : (جده) نعم .

حرنكش : ممكن اطلب منك طلب ؟

جميع : اوعاك تقول عايز الشوك لمشمش لاني محتاجة .
علشان ارميه في الطريق يشك اللي رايح و الي جاي و
نتفرج و نضحك

حرنكش : يا سلام على قلبك الطيب لا خلي لك الشوك . أنا
عايز بطن السمكه لمشمش

مشمش : رينا يجير بخاطرك يا حرنكش يا صاحبي .

جميز : (بمكر) بس ده هيبقى نصيبك يا حرنكش يا اخويا .

مشمش: دهيه تسد نفسك

حرنكش : طب يهون عليك تاكل و اخوك حبيبك ببص عليك.

جميز : بصراحه .. يهون يا اخي أنت مالك بمشمش و كعبول
حامل همهم ليه ؟ الغرابه انك أنت الوحيد اللي عارف
لغتهم (يضرب القط مشمش يتألم مشمش و يخرج)

حرنكش : كده . طيب ايه رايبك بقى أنا مش عايز اكل . وهاخد
بطن السمكة لمشمش.

جميز : حلو . و اللي يرجع في كلامه ياخد الاثنين (ينادي)
تفاحة يا مراتى هاتى من عندك بطن السمكة
لحرنكش.

مشمش : (يدخل) أنا مش عايز يا صاحبي

حرنكش : ما تشلش همى يا مشمش . أنت لازم تتغذى
علشان أنت هزيل

مشمش : وخرم نفسك أنت لا لا (يخرج)

تفاحة : (تدخل حاملة الطبق) يا ما نفسى اعرف هتعمل
ايه ببطن السمكة ؟

جميز : (بمكر) ده نصيب يا حرنكش .

تفاحة : يا عيب الشوم . عايز تأكل اخوك بطن السمكة يا
جميز .

جميز : هوه اللي أختار .

تفاحة : حكم . خد يا اخويا (تناول الطبق)

جميز : اية ده اللي في بطن السمكة يا وليه ؟

تفاحة : أنا مش عارفة ده مفتاح لقينة في بطنها .

جميز : أعمل بية اية اديه له

تفاحة : خد يا حرنكش . اطمئن أنا هاديك منابى (خرج) .

حرنكش : (ينظر للمفتاح في ايده ويحدث نفسه) المفتاح ده

شكله غريب قوى وعليه صدا .

جميز : مصدى زيك عقلك يا قفل .

حرنكش : (يمسك المفتاح من راسه ثم يديره في الهواء فيظهر

الخادم)

الخادم : شبيك لبيك خدامك وبين ايديك (يضحك) ها ... ها

... ها ... ها ...

حرنكش : (فزعا) أنت مين ... مين ؟!

جميز : أنا مين . حلو ده قوى . أنا بتاع الجاز (يضحك)

الخدام : أنا عفريت المفتاح . ومحبوس فيه من زمان . زمان قوى

حرنكش : عف .. عف .. عفريت

جميز : بسم الله الرحمن الرحيم عفريت ايه ؟!

حرنكش : (فى خوف) اهو قدامك يا جميز .

جميز : يا واد لبشتنى ده يظرف خايف جوع

الخدام : محدش يشوفه ولا يسمعه غيرى

جميز : ليه بقى ؟!

حرنكش : لأنى أنا اللى خرجته من المفتاح .

الخدام : ودلوقتى أنت ليك عندي ثلاث طلبات احققهم لك فوراً.

حرنكش : تلت طلبات تحققهم ؟

جميز : ده يظهر الحكاية جد . نجرب . قوله عايز يا قوت
ومرجان

الخدام : (يضحك) عايز اية عايزاية ؟

جميز : يا واد قوله على الياقوت و المرجان .

الخدام : اسمح لى أوصل اشوف عيال اخواتى فى الهند و
ارجع فى ثانية على أنت ما ترسى على طلب .

حرنكش : اتفضل اتفضل (يخرج الخادم ويدخل مباشرة)

اية رجعت ليه ؟

الخادم : خلاص شوفتهم .

حرنكش : أنت لحقت ؟!

الخادم : اصل المواصلات كأنت فاضية .

جميز : بيقول اية يا حرنكش ؟

حرنكش : بيقولى اخوك جميز لازم يدى السمكة اللى معاه
كلها لمشمش .

جميز : يا مشمش قصدى يا لهوتى كلها كلها ؟

تفاحة : (تدخل) السمكة اتشوت و الاكل جاهز بس سايفة
عليك كل الاولية يا جميز ما تحرم اخوك منها . ده
غلبان وطيب وبيحبك يا اخويا .

جميز : اطمنى يا فقيرة مش هناكل منها ولا هندوقها . كلها
لمشمش

تفاحة : ليه بقى ؟

جميز : علشان السمكة ما تتكلش .

تفاحة : يا مصيبتى بعد التعب ده كله (خرج)

الخدم : أمرك يا سيدى حرنكش باشا عايز اية علشان
تعتقنى ؟

حرنكش : عايز اسكن فى قصر حرير فى حرير فيه خدم وفيه
حشم وفيه اكل . مليون اكل . فاهم . اكل اكل
..... اكل .

(اظلام)

المشهد الرابع

[المنظر قصر]

جميز : (يرتدى ملابس فاخرة ويجوارة تفاحة بملابسها
الفاخرة) يا ريتنا ...

تفاحة : اية يار اجل مالك بتولول من صباحية رينا على اية ؟
جميز : المفتاح يا تفاحة .

تفاحة : ده قدر ونصيب ثم الحمد لله مش ناقصنا حاجة ايه
جميز : لا ناقصنا يا فاحة . ناقصنا الياقوت و المرجان اموت
و اشوفهم . (بمكر) تفاحة كنت عايز (يدخل
مشمش متسلل)

تفاحة : عايز ايه ؟

جميز : عايز عايز . بس اوعى تجيبى سيرة لحد .

تفاحة : ياراجل قول نشفت ريقى .

جميز : عايز اعرف الواد حرنكش مخبى المفتاح السحري
فين ؟

تفاحة : (تحبب على صدرها) يا ندامتى .

جميز : اية يا وليه فيه ايه هتفضحيننا .

تفاحة : فيه اية . اوعى ياراجل يكون عقلك بيوزك على .

جميز : (مقاطعا) ساعديني يا تفاحة ارجوكى وها ديكى درهم بحاله .

تفاحة : أنت مخك انهبل . عايزنى اساعدك على السرقة .

وتسرق مين اخوك ابن امك و ابوك .

مشمش : (لنفسه) يا خبر مش فايت ده أنا لازم ابلغ حرنكش بكل اللي سمعته علشان يعمل حسابه (يخرج مسرعا)

جميز : وفيها اية بس يا تفاحتى

تفاحة : فيها اية ده حرام يا جميز

جميز : اية بس اللي حرمه . أنت تجيبى المفتاح اخرج العفريت و اطلب منه يودينى البحر و انزل اجمع الياقوت و المرجان و اجى على طول ولا من شاف ولا من درى

حرنكش : (يدخل بملابس الفاخرة) فيه اية يا جماعة ؟

صوتكم عالى قوى .

تفاحة : جميز يا حرنكش كان ناوى على

جمیز : (مقاطعاً) الفتنة حرام برضه یا تفاحه یا زوجتی .
تفاحه : اف اة یانی منك (خرج)
صوت : جمیز .. حرنکش (طرقات علی الباب) یا ولاد العم .
حرنکش : ده صوت اناناس ابن عمنا
جمیز : یا خبر مش فایت .
صوت : افتح یا جمیز أنا سامع صوتك أنا اناناس ابن عمك
یا حرنکش .
حرنکش : أنت مین ؟
صوت : افتح یا جمیز أنا سامع صوتك أنا اناناس ابن عمك یا
حرنکش
حرنکش : أنت مین ؟
الصوت : اناناس .
حرنکش : ناس کتیر ؟!
الصوت : ناس واحد بس افتح
جمیز : ده حسود مفیش حل غیر اننا نفتح له أحسن
یکسر الباب بعینه . (یفتح الباب) .
اناناس : (یدخل) أنا جیت .

حرنكش : اهلا يا ابن ازيك يا ابو عيون خضرة و جميلة .
أنا ناس : أزيك أنت يا حرنكش بالحضن يا حبيبى ز أزيك يا أبو
الجماميز.
جميز : من بعيد يا ولد .
أنا ناس : من بعيد ليه يا جماميزو ؟
حرنكش : اصل جميز اخويا بعافيا شوية
أنا ناس : ازاي الكلام ده. دا أنت عليك صحة تهد... (يسقط
جميز مغشبا عليه).
حرنكش : مفيش داعى تكمل أهو أتهد.
أنا ناس : هوه ماله . ده كان زى الحصان من ثوانى
حرنكش : ادبك قولتها من ثوانى هى الدنيا كده محدش عارف
بعد ثوانى ايه اللى هيجرى.
أنا ناس : ابوة كده . عيشوا حياتكم . قولولى انتم وقعتم على
كتر ولا ايه؟
حرنكش : (وهو بيفوق جميز) جميز... جميز يا اخويا . ده
يظهر مات.
جميز : (يفيق) معقول... معقول أنا فوقت.

حرنكش : (اناناس يحاول الكلام فيغلق فمه بيده) و حياة
النبي تسكت يا اناناس و أنت يا جميز انفد جلدك
و اهرب من قدامه

جميز : (يخرج مسرعا) الحقيني يا تفاحه.

اناناس : ياه هي تفاحه لسة عايشة مع جميز (صوت
فرقة)

جميز : يصرخ من الداخل تفاحه

حرنكش : اسكت أنت ما تعرفش ؟

اناناس : لأ ولا سمعتش

حرنكش : ولا شفت

اناناس : فيه ايه ؟!

حرنكش : مش تفاحه ماتت

اناناس : ماتت ده لسه كان بينادي عليها

حرنكش : اديك قولتها لسة كانت عايشة بتكلم

اناناس : (يدور و يتفحص القصر) على العموم خدت الشر
و راحت .

كعبول : (يدخل) أنت هاتسيبه كده يا حرنكش قول له

يبطل قرو حسد.

حرنكش : يعنى اعمل ايه يا كعبول المفروض يكون عنده
شوية احساس

اناناس : عيني يا عيني عى الستارة المعلقة (الستارة تقع)
(يضحك) اكيد مش مربوطة كويس واوعى تقول
عيني وحشة .

جميز : ازاي يا ابن عمى. دى عيني أنا اللي عابزة تندب فيها
رصاصه

اناناس : عينك و أنت حر فيها

كعبول : أنا انقد جلدى يا عم (وهو خارج) خلى بالك من
نفسك يا صحبى

اناناس : على العموم هيه الحيطان جميلة يا بن عمى و
خصوصا الالوان (تقع قطعة قطعة) و الانتيكات و
الزخارف الجميلة اللي واضح انها محلاه من مية
الذهب و الفضة المعلقة

حرنكش : (وهو يضع يده حول راسه) ذهب كل شىء ذهب

اناناس : هو فيه ايه يا بن عمى أكيد القصر مش متاسس
كويس ده كان من ثوانى.

حرنكش : (فى حسرة) من ثوانى و ذهب.....ذهب

الخادم : (يطهر) هوه فيه ايه؟ ايه اللى حصل؟ أنا لازم أرجع
القصر زى ما كان (و يقوم الخادم باعادة بناء القصر)

اناناس : القصر فيه عفريت. شايف الحيطان بتمشى. يا
حلاوة.

حرنكش : باقوللك ايه يا اناناس انقد جلدك ده مليون
عفريت.

اناناس : يا خسارة و أنا اللى كنت ناوى ازوركهم و اقعد
معاكم قد عشرين سنة بس العفريت اللى عندكم
يظهر جامدة اوى (يخرج).

حرنكش : (الخادم يقع) يا خير افوقه ازاي ده . فوق يا عم
العفريت فوق .

الخادم : أنا فين؟!

حرنكش : حتى أنت ما سلمتش منه قوم (ينادى) امان يا
جميع

جميع : (يدخل الجميع) اه يا ظهري اه يانى

تفاحة : منك لله يا اناناس يا ابن كرنه. اه يا وسطى

الخادم : ما تقول لى على الطلب الثانى عايز امشى

مشمش : اه يا دماغى
كعبول : اه يا ودنى
حرنكش : ودناك مالها يا كعبول
كعبول : الهايف زمر فى ودنى خرم لى الطيلة أنا بقيت من
غير طيلة .
حرنكش : ما تزعلش اهوه مشى. اخويا يا جميز لو معاك
المفتاح السحري تعمل بيه ايه..ايه؟
مشمش : كلام ايه ده يا حرنكش؟
حرنكش : اسكت يا مشمش حتعرف بعدين
جميز : (فرحا) اعمل بيه ايه؟ ده أنا اعمل عمايل. اولا
نفسى انزل البحر
تفاحة : اه يا نارى منك. جريه يا راجل؟
جميز : و أنت مالك.
كعبول : كلام ايه ده و جريه اللى أنت عايز تنزل فيه؟
مشمش : اكيد عايز تخلصي الحيتان تاكلنى يا جميز
حرنكش : بقول لك ايه أنا موافق بس أنا واخد عهد ان
الموافقة تبقى جماعية

جميز : يا عم خليفهم يوافقوا علشان خاطري

حرنكش : الموافق يرفع ايده... موافقة

مشمش : بس أنا مش موافق

حرنكش : (لمشمش) هس اسكت . موافقة يا جميز هيا الى
بحر.

الخادم : و أنا مالي البحر البحر

(اظلام)

المشهد الخامس

[المنظر في قاع البحر]

تفاحة : يا حلاوة يا ولاد ده أنا باتنفس في الميه زى السمك.
جميز : شفت بقه كان عندى حق لما قلت لك تنزل البحر
شايقة السمك اشكال على الوان ازاي ابيض و اسود و
.....
حرنكش : ملون ١٦ بوصة ها ...ها...ها....
كعبول : جميز جايبنا هنا علشان يدور على الياقوت و
المرجان يا حرنكش
حرنكش : وأنا نفدت له طلبه علشان يبطل يدور على
سرقة المفتاح
كعبول : ازاي وما قلتيش ؟
مثنمش : ايوه يا كعبول أنا سمعته وبلغت حرنكش بسرعة
الخادم : تسمح لى اقوم بزيارة اكتشاف في البحر و المحيطات

حرنكش : اتفضل وخذ راحتك وأنا راخر رايح اتفسح شوية

جميز : استنى يا حرنكش ما خليهوش يمشى

حرنكش : استنى يا خادم عايز ايه يا جميز ؟

جميز : عايز يتم جميلة ويوديني جبال الياقوت و المرجان

الخادم : طول عمرك هتفضل طماع يا جميز بس أنت ناسى
حاجة مهمه يا حرنكش انكم فاضل لكم طلب
واحد ولو وريت له جبال الياقوت و المرجان هيكون
ده الطلب الثالث آخر طلب وتفضلوا عايشين هنا في
الميه على طول .

حرنكش : معقول نعيش في الميه على طول .

كعبول : يا نهار مش فايت .

جميز : لا...لا...لا... وعلى ايه . أنا هدور بتفسى حتى ولو
قلبت البحر كله تعالى معايا يا تفاحة

تفاحة : الواجب طاعتك يا زوجى وأنت تاعبنى في البر و
البحر . (يخرجان)

الخادم : (يضحك) مع السلامة ولما تعوزنى يا حرنكش
افتح المفتاح (يختفى)

حرنكش : اد ايه البحر جميل وغريب سبحان الله العظيم في خلقه .

كعبول : بس يا خسارة ان الجمال ده . البنى آدم مش عارف قيمته ودايما بيلوئه

حرنكش : عندك حق يا مشمش بس صوابك مش زى بعضها يعنى فيه اللى عنده عقل وفيه اللى مايفهمش .

مشمش : فعلا يا حرنكش فيه اللى ما عندوش عقل .

كعبول : أنت بتبص على ليه كده يا مشمش . تقصد انى مايفهمش ؟

حرنكش : يا اخى ما خبكهاش امال .

كعبول : (يضحك) ها .. ها يعنى أنا اخوك بس مش عايز اكون جميل

مشمش : سبحان الله بصوا مين اللى جاى هناك .

حرنكش : كل دى سمكة

مشمش : سمكة ايه . ده حوت

كعبول : أنا قلت ده يوم مش فايت من اوله .

الحوت : (يدخل) انتم مين وايه اللي جابكم هنا وزاى
بتتنفسوا زينا ؟!

كعبول : حلوة دى قول لنا ايه اللي جابكم هنا ؟

الحوت : أنا حمار بصحيح ده مكانى . هنتكلموا ولا
هبلعكم حتتك بتتك ؟

كعبول : هدى اعصابك يا عم الحوت ده احنا بنضحك معاك.

حرنكش : أنا حرنكش يا حوت .

الحوت : (يتذكر) حرنكش حرنكش آه حرنكش اخو جميز
البخيل .

مشمش : ده طلع يعرف شجرة العيلة يا حرنكش .

حرنكش : أنت تعرفنى ؟!

الحوت : ومين ما يعرفش حرنكش الطيب الشجاع أبو قلب
رقيق وكف حنين .

كعبول : ما سمعتش عنى اى حاجة .

الحوت : بس يا حمار .

مشمش : جايب لنفسك الكلام ما تسكت .

الحوت : ها.. انتم جيتم هنا ازاي وازاي بتتنفسوا زى تمام

حرنكش : ده حكاية طويله لجكيها بعدين .

الحوت : خلاص أنا عزمكم على الغدا النهاردة فى قوقعنى المتواضعة و ابقوا احكوا لى و احنا بناكل يلا بينا .

الجميع : يلا بينا . (يخرجون)

جميز : (يدخل هو وتفاحة حامل صندوق) افتحى قوام يا تفاحة . الله دهب .. يا قوت مرجان . كمان تانى يا رب .

تفاحة : يا اخى احمد رينا شيل وحمل بكن تشبع أنا مش عارفة هنعمل بده كله ايه

جميز : هشتري قصور و اراضى وطيور لا..لا..لا مش هشترة عشان ما ادفعش .

تفاحة : ادعى رينا اننا من هنا على خير .

جميز : أنت هتقرى . يعنى اية مش هنطلع ومش هنتمتع بالحاجات دي (يختزن الصندوق وهو يتألم) يا حبيبي اه .. اه .

تفاحة : يا لهوى مالك يا جميز .

جميز : جنبى يا تفاحة ينقح على آه .. آه .. آه .

تفاحة : وبعدين ايه العمل مش دى شورتك البحر البحر طب

لجيب لك طبيب منين دلوقت ؟

جميز : آه.. آه.. آه إلحقيني يا تفاحة أنا باموت .

تفاحة : يارب دبترى (تنادى) يا حرنكش أنت فين يا حرنكش ؟

حرنكش : (يدخل) فيه إيه يا تفاحة (يدخل الجميع) جميز اخويا .

جميز : الحقنى يا حرنكش مصاريتى بتتقطع .

الحوت : مفيش غير حكيم البحر .

حرنكش : هو فين إلحقنا .

الحوت : مش بالساهل كده بنا وبينه آلاف الاميال .

حرنكش : ويبقى الخادم مفيش غير المفتاح (يخرج المفتاح ويفتح به)

الخادم : (يظهر) شببك لبيك .

تفاحة : بسم الله الرحمن الرحيم .

كعبول : (لمشمش) ده العفريت يا مشمش أنا مش شايفة اهوه .

حرنكش : عايزين نروح لحكيم البخر اوام .

الخادم : بس ده بقى هيبقى الطلب الاخير .

الجميع : يعنى هنعيش حياتنا كلها فى البحر .

حرنكش : انتم سامعينه .

الجميع : وشايفينه

كعبول : مش مهم يا حرنكش طالما هتنقذ جمير .

مشمش : احنا يا نعيش سوا يا نموت سوا .

جمير : مش موافقين مش كده يا حرنكش يا اخويا ؟

حرنكش : أنت بتقول يا اخويا . أنا اول مرة أسمع الكلمة دى

طالعة من قلبك . الدموع فى عينية علشان الكل

مصر على البقاء فى البحر من أجل

شفاءك . عايزين يجرموا انفسهم من الحياة

ومتعها على سطح الارض ويفضلوا فى البحر

علشانك وعلشان العشرة

جمير : ياه اد ايه أنا كنت قاسى قوى وطماع . حوشيت

وكدست وحرمتك من كل متع الحياة وحرمت

نفسى كمان . وادى النتيجة هاموت ومش هأخذ

ومش هأخذ اى حاجة معايا

الحوت : يا حرنكش الحقوا احسن بموت فى اى لحظة .

حرنكش : يلا يا خادم نفذ ودينا للحكيم بسرعة .

الخدام : أنا بأخل بالاتفاق .

حرنكش : يعنى ايه ؟ أنا بأمرك .

الخدام : وأنا مش هنفذ . عارف ليه علشان الطماع اللي زى ده لازم يموت . لازم تموت يا جميز .

جميز : لا..لا..لا خد كل اموالى بس اعيش انقذنى ارجوك مش عايز اموت .

الخدام : اخيرا افكرت الموت اللي عمرك ما عملت له حساب . آن الاوان يا حرنكش علشان تورث كل ثروة اخوك اللي على سطح الارض . سيبوه يموت اخرجكم كلكم وتعيشوا حياتكم بثروته على الارض .

حرنكش : أنا مش عايز اعيش أنا فدا اخويا .

الخدام : تفتكر هوه لو كان مكانك كان هيفديك . يا عبيط اسمع الكلام .

حرنكش : أنا بجب اخويا ومهما كان بينا من خلاف برضه اخويا .

كعبول : ايوة انقذوه عايزين جميز .

الحوت : ايوه عايزين جميز .

مشمش : جميز عايزين .

تفاحة : إحنا مسامحينه .
الخادم : لازم يموت .. لازم .. لازم يموت ... موت يا جميز موت يا
جميز .
جميز : لا مش عايز اموت .. مش عايز اموت أنا حرمت مش
اموت(يتبدل المنظر)
تفاحة : يا ساتر يا رب اصحى يا راجل .
جميز : اشهد أن لا إله الا الله .
تفاحة : أنت كنت بتحلم أنا عارفه ان الكابوس ده بييجى اما
تتقل فى العشاء واحنا كل يوم بنام خفاف خفاف
غصب عنا .
جميز : من هنا ورايح هنتقل فى العشا كلنا .
حرنكش : يا جميز فوق أنت لسه بتحلم .
جميز : يا واد أنا صاحى . و الحلم ده حكمه إلهيه فوقتنى
من الغفلة اللى أنا كنت فيها من هنا ورايح
هنعيش ونتمتع بالحياة .
كعبول : أنا مش مصدق الكلام ده
مشمش : آه إحنا مش مصدقين قوله يا حرنكش اية الدليل
على صدق كلامه .

حرنكش : طيب أعمل إيه دلوقت مش مصدقين يا جميز .
جميز علشان يصدقوني عنرقص وهنغنى مع
بعضمزىكا اما حلمت حته دين حلم .

حرنكش : حنت دين حلم !

جميز : حلم كأنه اصبح علم .

الجميع : اصبح علم !

جميز : قال مفتاح جواه عفريت .

راح خدنا من بيتنا لبیت .

فيه خدام وفيه حشام .

واكل كتير وبلح الشام .

الجميع : بلح الشام فى الاحلام ؟

جميز : قلت اعدى ما هدى وافوت .

وابقى غنى بدهب وياقوت .

جنبى وجعنى وكنت هاموت .

الجميع : و العفريت ؟

اصبح مارء على الصوت .

ال يا حرنكش سيب جميز .
على خط الفقر سنتر شوت .
تفاحة : وحرنكش ؟
جميز : قال ده أخويا .
ده باقيلى من امى وابويا .
حرنكش : بعد سنين هموم وهباب .
جميز أخويا فاق وتاب .
قال ااكل كم و اشريككم .
اوعى يا اخويا تكون كداب .
كعبول : أنا مش مصدق ودانى .
قول يا جميز وعيد تانى .
انك توبت وفقت خلاص .
ومعدش تبقى انانى .
جميز : شوفت انتوا و أنت وهى .
أنا حلمى حكمة إلهية .
أنا شوفت الموت بعنيا

لأجل ما أخف لأجل ما أعيش .

ضحيتوا بالحرية .

الجميع : فليحيا يا ناس الحرية

(إظلام)

بطاقة تعارف

- الاسم : سيد خلف عبد الغفار / الشهرة سيد طوفان
- مواليد ٤ / ٥ / ١٩٧١ طهطا
- حاصل على مركز أول جمهورية مسرحية (صرخات) سنة ٢٠٠١ .
- أعمال مسرحية للأطفال :
 - (١) ملكة البحر .
 - (٢) كنز الكنوز
 - (٣) حكاية ميمون .
- أعمال مسرحية للكبار :
 - (١) الزار
 - (٢) ولد وبنت وشايب .
 - (٣) أوهام من دخان .
 - (٤) المفرمة
- قام بتصميم العديد من أعمال الديكور المسرحي للثقافة الجماهيرية .
- قام بإخراج العديد من المسرحيات للأطفال .

الفهرس

كلنا بنحب غابتنا / 9

حرنكس والمفتاح السحري / 49

رقم الإيداع بدار الكتب

2006/5017

الترقيم الدولي I.S.B.N

977-374-163-X

دار الإسلام للطباعة والنشر

0122614363 - 050/2266220